

Tarikh Dibaca: 10 Februari 2017

KHUTBAH JUMAAT

Tajuk:

“PENDIDIKAN ANAK SATU KEWAJIPAN”

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Prof. Madya Dr. Osman Bin Sabran (Ahli)**
Pensyarah, Universiti Selangor
- 5. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 6. Tuan Haji Md. Sahari Bin Abdullullah (Ahli)**
Ahli Jawatankuasa Fatwa Negeri Selangor
- 7. Tuan Haji Abdul Halem Hapiz Bin Salihin (Ahli)**
Ketua Penolong Pengarah, Bahagian Penyelidikan Dan Pembangunan
- 8. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 9. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 10. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



"PENDIDIKAN ANAK SATU KEWAJIPAN"

الْحَمْدُ لِلَّهِ الْقَائِلِ: الرَّحْمَنُ ﴿١﴾ عَلَّمَ الْقُرْآنَ ﴿٢﴾
خَلَقَ الْإِنْسَانَ ﴿٣﴾ عَلَّمَهُ الْبَيَانَ ﴿٤﴾¹
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا
الَّذِينَ آمَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

¹ Ar-Rahman ; 1-4



Muslimin yang dirahmati Allah sekalian,

Saya menyeru agar kita bersama-sama meningkatkan ketakwaan kepada Allah SWT dengan melaksanakan segala perintah-Nya dan meninggalkan segala larangan-Nya. Marilah kita memperbanyakkan zikir kepada Allah SWT dan selawat serta salam keatas junjungan besar Nabi Muhammad SAW disamping sentiasa berusaha melaksanakan segala sunnahnya. Mudah-mudahan ianya akan memberikan manfaat kepada kita di dunia dan di akhirat.

Khutbah jumaat pada kali ini bertajuk ***"PENDIDIKAN ANAK SATU KEWAJIPAN"***.

Hadirin yang dirahmati Allah sekalian,

Anak-anak merupakan anugerah daripada Allah SWT, sekaligus ianya menjadi suatu amanah yang wajib ditunaikan tanggungjawabnya. Disamping ia juga merupakan ujian dari Allah SWT untuk membuktikan siapakah yang layak menerima ganjaran besar yang dijanjikan. Jika kita berjaya, Allah mengurniakan pahala yang amat besar.

Firman Allah SWT dalam surah At-Taghabun ayat 15;

إِنَّمَا أَمْوَالُكُمْ وَأَوْلَادُكُمْ فِتْنَةٌ وَاللَّهُ عِنْدَهُ أَجْرٌ عَظِيمٌ



"Sesungguhnya harta benda kamu dan anak-anak kamu itu hanyalah menjadi ujian, dan di sisi Allah jualah pahala yang besar".



Muslimin yang dikasihi Allah sekalian,

Tugas utama ibubapa terhadap anak-anak adalah memberikan ilmu yang secukupnya, sama ada melalui pendidikan di rumah mahupun di sekolah. Justeru ilmu merupakan perkara pertama yang menjadi seruan Allah SWT kepada Rasulullah SAW sebagaimana firmanNya dalam surah Al-Alaq ayat pertama yang bermaksud : "Bacalah dengan nama Tuhanmu yang menjadikan." Adapun ilmu yang utama untuk diterapkan ke dalam diri mereka adalah ilmu keagamaan dan juga penekanan terhadap akhlak-akhlak yang mulia. Dengan memiliki ilmu agama dan mengamalkan akhlak yang soleh, akan menjadikan mereka anak yang baik dan menyukakan hati ibu bapa sebagaimana yang diinginkan oleh setiap ibu dan bapa.

Firman Allah SWT dalam surah Al-Furqan ayat 74 ;

وَالَّذِينَ يَقُولُونَ رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ
أَعْيُنٍ وَاجْعَلْنَا لِلْمُتَّقِينَ إِمَامًا ﴿٧٤﴾

"Dan juga mereka (yang diredhai Allah itu ialah orang-orang) yang berdoa dengan berkata: Wahai Tuhan kami, berilah kami beroleh dari isteri-isteri dan zuriat keturunan kami: Perkara-perkara yang menyukakan hati melihatnya dan jadikanlah kami imam ikutan bagi orang-orang yang (mahu) bertakwa".

Hadirin Jumaat sekalian,

Sebagai ibubapa, kita tidak seharusnya menyerahkan tugas mendidik anak-anak ini hanya kepada pihak sekolah, sebaliknya kita juga bertanggungjawab memperkukuhkan ilmu yang mereka pelajari ketika



berada di rumah bersama-sama kita. Maka, untuk memperkukuhkan ilmu dalam diri anak-anak, ibubapa mestilah meluangkan masa untuk duduk bersama mereka dan membantu mengulang kaji pelajaran yang dipelajari di sekolah. Bantulah mereka dengan kemampuan yang ada pada diri kita, sama ada dengan buah fikiran mahupun semangat dan motivasi. Cara sebegini akan menjadikan anak-anak merasa lebih dihargai, lantas akan dapat meningkatkan motivasi pembelajaran mereka. Dalam masa yang sama, mereka juga lebih bersikap terbuka terhadap kedua orang tuanya dan dapat meluahkan segala masalah yang dihadapi di sekolah. Keakraban kita sebagai ibubapa dengan anak-anak terutama dalam membantu mengatasi masalah-masalah persekolahan dan masalah-masalah peribadi, sekaligus dapat menjauhkan mereka daripada perkara-perkara yang negatif seperti ;

1. Keluar berpelesenan kerana inginkan perhatian orang lain,
2. Bersikap kurang ajar terhadap orang tuanya,
3. Mengambil jalan mudah menyelesaikan masalah dengan dadah dan sebagainya.

Muslimin sekalian,

Seterusnya, ibubapa juga bertanggungjawab menyedia dan mewujudkan suasana pembelajaran yang sebaiknya bagi anak-anak di rumah yang aman dan tenteram. Keadaan seperti ini akan membantu anak-anak dalam mengulangkaji pelajaran dan menyempurnakan tugas-tugas sekolah. Sediakanlah ruang atau tempat yang khusus untuk mereka belajar. Belanjakanlah sedikit wang dan harta untuk alat-alat keperluan pembelajaran mereka. Begitu juga, elakkan pertengkaran atau perselisihan yang berlaku antara ibubapa daripada didengari oleh anak-anak. Ini kerana ia akan menyebabkan mereka hilang tumpuan untuk belajar hingga mengakibatkan merosotnya mutu pembelajaran mereka.



Hadirin yang dirahmati Allah sekalian,

Selain daripada itu, ibubapa juga seharusnya sentiasa memberikan galakan dan rangsangan kepada anak-anak untuk terus maju dalam bidang pelajaran yang mereka lalui. Justeru kerana menyedari kesukaran dalam memahami pelajaran mereka, ibubapa perlu berperanan menanamkan sifat sabar dalam jiwa anak-anak. Doronglah anak-anak untuk terus berusaha mengatasi kesukaran-kesukaran yang dihadapi disamping memperbanyakkan tawakal kepada Allah SWT. Sebagai seorang muslim juga, didiklah anak-anak agar sentiasa melazimkan diri dengan doa kerana sesungguhnya doa itu adalah senjata bagi orang yang beriman dan bersabar, bahkan ianya sangat membantu kejayaan seseorang pelajar.

Firman Allah SWT dalam surah Yusuf ayat 87 ;

... وَلَا تَأْيِسُوا مِنْ رَّوْحِ اللَّهِ إِنَّهُ لَا يَأْيِسُ مِنْ رَّوْحِ اللَّهِ

إِلَّا الْقَوْمُ الْكَافِرُونَ ﴿٨٧﴾

"... dan janganlah kamu berputus asa dari rahmat serta pertolongan Allah. Sesungguhnya tidak berputus asa dari rahmat dan pertolongan Allah itu melainkan kaum yang kafir".

Di samping dorongan dan perangsang kepada anak-anak, para ibubapa juga perlu sentiasa mengingatkan anak-anak tentang pentingnya menjaga adab terhadap para guru. Guru merupakan golongan yang berhak untuk diberikan kemuliaan kerana mereka telah menyambung tugas mendidik umat yang diwariskan oleh para nabi dan rasul. Didiklah anak-anak supaya menghormati guru sebagaimana mereka menghormati ibubapa. Ingatlah,



tanpa keredaan guru, ilmu yang dipelajari oleh anak-anak tidak akan mendapat keberkatan di sisi Allah SWT.

Antara adab-adab terhadap guru adalah ;

1. Sentiasa memulakan salam apabila bertemu atau berselisih dengan guru.
2. Tidak membantah kerja-kerja atau tugas yang diberikan oleh guru.
3. Tidak menyinggung perasaan guru sama ada melalui percakapan atau perbuatan.
4. Meminta izin sebelum bertanya sesuatu.
5. Merendahkan diri, mengelakkan daripada berhujah dengan guru.

Firman Allah SWT dalam surah Al-Israk' ayat 23 ;

﴿ وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا
إِذَا يَبْلُغَنَّ عِنْدَكَ الْكِبَرَ أَحَدُهُمَا أَوْ كِلَاهُمَا فَلَا تَقُلْ
لَهُمَا أُفٍّ وَلَا تَنْهَرُهُمَا وَقُلْ لَهُمَا قَوْلًا كَرِيمًا ﴾

"Dan Tuhanmu telah perintahkan, supaya engkau tidak menyembah melainkan kepadaNya semata-mata dan hendaklah engkau berbuat baik kepada ibu bapa. Jika salah seorang dari keduanya atau kedua-duanya sekali, sampai kepada umur tua dalam jagaan dan peliharaanmu, maka janganlah engkau berkata kepada mereka (sebarang perkataan kasar) sekalipun perkataan "ah" dan janganlah engkau menengking menyergah



mereka, tetapi katakanlah kepada mereka perkataan yang mulia (yang bersopan santun)".

Sidang jumaat sekalian,

Mengakhiri khutbah hari ini mimbar ingin berpesan agar;

1. Umat Islam khususnya ibu bapa hendaklah menerapkan pendidikan agama terhadap anak-anak dan seluruh ahli keluarga merangkumi aspek akidah, syariah dan akhlak.
2. Umat Islam hendaklah memperuntukkan masa tertentu untuk bersama anak-anak dan membantu menyelesaikan sebarang masalah harian mereka.
3. Umat Islam mestilah mewujudkan persekitaran yang baik dan kondusif untuk proses pendidikan yang lebih berkualiti kepada anak-anak.
4. Umat Islam hendaklah sentiasa memberi galakan dan rangsangan kepada anak-anak supaya mereka menjdii orang yang berjaya di dunia dan akhirat.



أَعُوذُ بِاللَّهِ مِنَ الشَّيْطَانِ الرَّجِيمِ
يَا أَيُّهَا الَّذِينَ ءَامَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا
النَّاسُ وَالْحِجَارَةُ عَلَيْهَا مَلَائِكَةٌ غِلَاظٌ شِدَادٌ لَا يَعْصُونَ
اللَّهَ مَا أَمَرَهُمْ وَيَفْعَلُونَ مَا يُؤْمَرُونَ ﴿٦﴾

"Wahai orang-orang yang beriman! peliharalah diri kamu dan keluarga kamu dari neraka yang bahan-bahan bakarannya: manusia dan batu (berhala); neraka itu dijaga dan dikawal oleh malaikat-malaikat yang keras kasar (layanannya); mereka tidak menderhaka kepada Allah dalam segala yang diperintahkan-Nya kepada mereka, dan mereka pula tetap melakukan segala yang diperintahkan".

(at-Tahrim ; 6).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ
مَنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اَللّٰهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam. Pada masa yang sama kita juga disaran supaya menjauhi sebarang bentuk fahaman sesat dan perbuatan ekstrim yang kesannya akan menjejaskan keharmonian, perpaduan dan keselamatan ummah dan Negara.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الرُّسُلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ
مُجِيبُ الدَّعَوَاتِ يَا قَاضِيَ الْحَاجَاتِ. اللَّهُمَّ إِنَّا
نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ
بِعَيْنِ عِنَايَتِكَ الرَّبَّانِيَّةَ وَبِحِفْظِ وَقَايَتِكَ الصِّمْدَانِيَّةَ،
جَلَالَةَ مَلِكِنَا الْمُعَظَّمِ سُلْطَانَ سَلَاطُورٍ، سُلْطَانَ
شَرَفُ الدِّينِ اأدريس شاه الحاج ابن المرحوم



سُلْطَانُ صَلَاحُ الدِّينِ عَبْدِ الْعَزِيزِ شَاهِ الْحَاجِ. اَللّٰهُمَّ
اَدِمِ الْعَوْنَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لَوْلِيَّ عَهْدٍ سَلَاطُورُ، تَعْكُو اَمِيرُ شَاهِ ابْنِ
السُّلْطَانِ شَرْفُ الدِّينِ اَدْرِيسِ شَاهِ الْحَاجِ فِي اَمْنٍ
وَصَلَاحٍ وَعَافِيَةٍ بِمَنْنِكَ وَكَرَمِكَ يَا ذَا الْجَلَالِ وَالْاِكْرَامِ.
اَللّٰهُمَّ اَطْلُ عُمْرَهُمَا مُصْلِحَيْنِ لِلْمُوظَّفَيْنِ وَالرَّعِيَّةِ
وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat seperti kemarau



panjang, banjir besar, wabak penyakit supaya dengan demikian, negeri kami akan sentiasa dilindungi dan diberkati.

Ya Allah, bukannya hati kami untuk mendirikan solat fardhu lima waktu, menunaikan zakat dan kefarduan yang lain serta mewakafkan dan menginfakkan harta khususnya untuk Perbadanan Wakaf Negeri Selangor (PWS) dan Tabung Amanah Pembangunan Islam Selangor (TAPIS).

Ya Allah, peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَى نِعَمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ
أَكْبَرُ وَاللَّهُ يَعْلَمُ مَا تَصْنَعُونَ.

JAIS/Nurul
01.02.2017